


Ka Baibl na ka bynta ki Khyannah ka wanrah



U Noah bad ka Jingshlei um Kaba Khraw



La thoh da: Edward Hughes

La dro dur da: Byron Unger; Lazarus
Alastair Paterson

La shim kyliang da: M. Maillot; Tammy S.

La pynmih da: Bible for Children
www.M1914.org

©2021 Bible for Children, Inc.

License: Phi don ka hok ban copy lane ban shon ia kane
ka jingiathuhkhana, lada phim die ia ka.

U Noah u la long u briew uba
mane ia U Blei. Baroh baroh
ki isih bad kim kohnguh ia U
Blei. Ha kawei ka sngi, U Blei
u la ong ia kaei kaei kaba
pynkyndit. "Ngan pynjot ia

kane ka pyrthei
bymman,"

U Blei u la iaathuh
ha u Noah. "Tang

ka longiing
longsem jong

me kan iohlait im."



U Blei u la maham ia u Noah ba ka jingshlei um kaba khraw kan sa jia bad kan tap lup ia ka pyrthei. "Thaw ka iinglieng da ka dieng, ka lieng kaba heh ka ban biang na ka bynta ka longiing longsem jong me bad na ka bynta ki mrad babun," la hukum U Blei ia u Noah. U Blei u la ai ha u Noah ia ki jingbthah kiba


biang thik. U Noah u la trei minot!



3

Lehse ki briew ki la krenbeif ia u Noah haba u la batai balei ba u shna ia ka iinglieng. U Noah u

la ia shna. U la ia ia iathuh ia ki briew shaphang U Blei. Ym don mano mano ba shahshkor ia u.



4

U Noah u la don ka jingngeit kaba khraw. U la ngeit ha U Blei wat haba u slap um pat shym la hap jur mynshuwa. Shen shen la lah pyndep ban thaw ia ka iinglieng bad ka la long kaba bit ban thep ia ki jingdonkam baroh.



5

Mynta ki mrad ruh ki la iawan. U Blei u la wallam hyn-niew hyn-niew jur jong katto katne ki jait mrad bad shi jur shi jur jong kiwei pat ki jait mrad. Ki sim ruh ki bakhraw bad ki barit, ki mrad ki barit bad ki bajrong ki la wan shapoh ka iinglieng.




6

Lehse ki briew ki la pyrta ki kyntien niewbeif ia u Noah katba u dang pynrung ia ki mrad. Kim shym la sangeh ban leh pop pyrshah ia U Blei. Kim shym la kyrpad ban ioh rung lem shapoh ka iinglieng.




7

Ha kaba khatduh, la pynrung lut ia baroh ki mrad bad ki sim. "Ale shapoh ka iinglieng," U Blei u la khot ia u Noah. "Ma me bad ka longiing longsem jong me."




8




U Noah, ka kurim jong u, ki khun shynrang jong u bad ki kurim jong ki de ki la iarung shapoh ka iinglieng. Hadien kata, U Blei u la khang ia ka jingkhang!

9




Te u slap u la hap. Ka jingjur u slap ka la pynngam ia ka pyrthei sawpew sngi bad sawpew miet.

10




Ki um ka jingshlei ki la tuid halor ki nongbah bad ki shnong kyndong. Haba u slap u la sangeh, wat ki lum bah ki la don hapoh jong ka um. Baroh kiba ring mynsiem ia ka lyer ki la iap.

11



Katba ki um ki nang kiew, ka iinglieng ka la per ha sla um. Ka lah ban long kaba dum shapoh ka iinglieng, ka lah ban long ba ka khih shane shatai, bad ka lah ruh ban long kaba sngewngiew. Pynban, ka iinglieng ka la iada ia u Noah na ka jingshlei um.

12




Hadien san bnai jong ka jingshlei um, U Blei u la phah ia ka lyer pynrkhiang. Suki suki, ka iinglieng ka la neh ha ki lum bah ka Ararat. U Noah u la shong hapoh ka iinglieng sa sawpew sngi katba ki um ki la nang rngad.

13

U Noah u la phah ia ka tyngab bad ia ka paro na ka jingkhangiit ba la plie jong ka iinglieng. Haba kam shym la shem ka jaka bakhuid ban hiar, ka paro ka la wan phai pat sha u Noah.

14



Hadien shi taiew, u Noah u la pyrshang biang. Ka paro ka la wanphai lem bad i sla u dieng Olib ha la ka shyntur. Ha ka taiew babud u Noah u la tip ba ka pyrthei ka la rkhiang namar ba ka paro kam shym la wanphai shuh.



U Blei u la bthah ia u Noah ba ka por ka la biang ban mih noh na ka iinglieng. U Noah bad la ka longiing longsem ki la pynmih noh shabar ia ki mrad.




Haduh katno u Noah u la don ka jingsngewnguh! U la tei ia ka duwan bad u la mane ia U Blei uba la lah pyllait im ia u bad ia ka longiing longsem jong u na ka jingshlei um bashyrkhei.




U Blei u la ai ha u Noah ia ka jingkular kaba phylla. Un ym phah shuh da lei lei ia ka jingshlei um ban bishar ia ka pop ki briew.

U Blei u la ai ka jingpynkynmaw ia ka jingkular jong U. U simpyllieng u la long ka dak jong ka jingkular jong U Blei.



U Noah bad ka longiing longsem jong u ki la shem ia ka jingsdang bathymmai hadien ka jingshlei. Tang hadien katto katne, ki nongmih pateng jong u ki la pynbun briew biang ia ka pyrthei. Baroh ki jaitbynriew jong ka pyrthei ki la

mih na u Noah bad na ki khun ki kti jong u.



U Noah bad ka Jingshlei um Kaba Khraw
Ka jingiathuhkhana na Ka Ktien U Blei, ka Baibl,

la shem ha

Jenesis 6-10

"Ka jingrung Ki Ktien jong Me ka ai jingshai."
Salm 119:130

Ka Bakut

3

60

21

Kane ka jingiathuhkhana na ka Baibl ka iathuh ha ngi shaphang U Blei jong ngi U baphylla, uba la thaw ia ngi bad uba kwah ia phi ban ithuh ia U.

U Blei u tip ba ngi la leh ia kiei kiei ki basniew, kiba U khot "Ka Pop". Ka jingpynshitom ia ka pop ka dei ka jingiap, hynrei, U Blei u ieit ia phi haduh katta katta, ha kaba U la phah ia la U Khun ba tang marwei jong U, U Jisu keiñ, ban shahiap halor Ka Diengphna bad ban shah pynshitom na ka bynta ki pop jong phi. Nangta pat, U Jisu u la miapat bad U la kiew noh sha Bneng! Lada phi ngeit ha U Jisu bad kyrpad ia U ban map ia ki pop jong phi, Un leh kumta! Un wan bad shong hapoh jong phi mynta, bad phin iai im junom bad U.

Lada phi ngeit ba kane ka dei ka jingshisha, ong ia kane ha U Blei: Jisu baiet, nga ngeit ba me long U Blei, bad ba me la wan long briew ban iap na ka bynta ki pop jong nga, bad mynta me im pat. Sngewbha wan hapoh ka jingim jong nga bad to map ia ki pop jong nga, khnang ba ngan lah ban ioh mynta ka jingim bathymmai, bad kumta ha kawei ka sngi ngan sa ioh leit bad long lem bad me junom. To iarap ia nga ba ngan lah ban kohnguh ia me bad ban im na ka bynta jong me kum i khun jong me. Amen.

Pule ia ka Baibl bad iakren bad U Blei man la ka sngi! Ioan. 3:16

22